


Confirmatio Insulæ Suzariæ facta a Carolo Crasso Imperatore
Aaroni Episcopo Regiensi, ejusque Ecclesiæ,
Anno 883.

IN nomine Sanctæ & individua Trinitatis. Karolus divina favente clementia Imperator Augustus. Si ut Sanctorum loca ditentur, quo eorum Præsules, ceterique Ministri uberius omnipotenti Domino valeant deservire, munus quoddam conferimus Ecclesiis divino cultui dicatis, nostrorum normam sequentes predecessorum, & in presenti seculo prosperari, (*) atque in futuro veniam consequi non dubitamus eternam. Notum igitur industria omnium fidelium sanctæ Dei Ecclesiæ, nostrorumque tam presentium quam futurorum fieri cupimus, quia venerabilis Liutwardus Episcopus, summusque Archicancellarius ac Consiliarius noster, suppliciter suggestit magnitudinem nostram, quatenus ob divini zelum intuitus, perpetuamque Imperii nostri divinitus nobis collati stabilitatem, omnes res tam mobiles quamque immobiles, seu familias utriusque sexus, liberos, libellarios, seruos, ancillas, & aldiones, Beati Prosperi Confessoris Christi Episcopatus Regiensi undecumque ipsi sancto Loco, cui Aaron reverentissimus Episcopus præesse videtur, juste & legaliter devoluta sunt, vel Dominus dederit quocumque modo, precipue quidem quandam Insulam dudum nobis in ipso sancto Episcopo concessam, quæ nominatur Sugzara, in Comitatu Brixienti, pertinens usque tunc ad jus Imperii nostri, posita inter Padum & Zaram cum Curte & Capellis, cum Piscaria atque Silvis, mansis quoque omnibus, qui sunt in ipsa Insula de predicto Comitatu olim pertinentibus, cum omni integritate rerum mobilium seu immobilium vel familiarum jure proprietario ad honorem ipsius sancti loci confirmaremus. Cujus precibus aures

A benivolentiæ nostræ hilariter inclinantes, prefatæ sanctæ Regiensi Ecclesiæ, in qua jam dicti Corpus Beati Prosperi conjacet, eidem Aaron venerabili Pontifici, suisque successoribus ad utilitatem & exaltationem ipsius Episcopii cunctas res & possessiones legitimas predicti Pontificatus, & eandem Insulam Sugzaram cum Curte & Capellis, cum piscaria, silvis, etiam cum prenomminatis Mansis, qui ibidem insunt ex jam dicto Brixienti Comitatu olim pertinentibus, cum omni integritate rerum sive familiarum, cunctisque pertinentiis vel adjacentiis suis, fundis quoque, & locis seu Paludibus & Insulis, ubicumque esse videntur in alveis vel curriculum Padi, sicuti ex antiquo ad ipsa loca pertinere videntur, quique ab hominibus ipsius Pagi nominantur Pullicini, per hoc nostræ pietatis Præceptum perpetualiter confirmamus, modisque omnibus stabilimus, quatenus idem Aaron reverendus Pontifex, ejusque successores potestatem habeant de his & omnibus aliis rebus ipsius sancti loci ad utilitatem sancti Episcopii facere secundum Deum, quod melius previderint vel decreverint, remotâ totius potestatis inquietudine. Si quis autem, quod non credimus, hujus nostræ munificentia quolibet ingenio vel argumento violator exiterit, trecentas Libras auri obrizi componere cogatur, medietatem Palatio nostro, & medietatem parti ipsius Ecclesiæ. Insuper etiam infamia publicâ notatus tamquam sacrilegus ab omnibus habeatur. Et ut verius credatur & diligentius ab omnibus observetur, manu propria subter firmavimus, & de bulla nostra sigillari jussimus.

Signum  Domni Karoli serenissimi Imperatoris Augusti.

Inquirinus Notarius ad vicem Liutwardi Episcopi & Archicancellarii recognovi.

Data VIII. Kalendas Junii, Anno Incarnationis Domini DCCCLXXXI. Indictione I. Anno verò Domni Karoli serenissimi Imperatoris III.

Actum in Monasterio Nonantole, in Dei nomine, feliciter. Amen.

Adfunt foramina, per quæ transibant chordulæ bullæ pendentis.

Insula Suzaria, quam Carolus III. Augustus Ecclesiæ Regiensi confirmat, non alia fuisse mihi creditur, quam quæ adhuc Suzara appellatur, Castrum in Mantuano agro situm, sub Regiensi Diocesi cis Padum, paucis a Wardistallo sive Guastallâ millibus passuum distans. Hinc autem disce temporum & fluviorum vices. Tunc ea Insula erat in Comitatu Brixienti pertinens. In Diplomate Ludovici II. Imperatoris eidem Ecclesiæ dato apud Ughellium in Appendice ad Tom. quintum, pag. 1563. primæ edition. memoratur etiam Insula Regni nostri Italici, quæ nominatur Suzaria in Comitatu Brixienti, idest inter Padum & Zaram.

D Infra eadem Insula posita dicitur in Comitatu eodem Regiensi: sed mendum istud Ughellio excidit; rursus enim in archetypo legitur Brixienti. In altero Diplomate Regiensi Ludovici III. Imperatoris occurrit apud eundem Ughellium Insula, quæ Erezara vocatur, inter Padum & Xaram fluvium constituta, cum aliis Insulis, quæ vulgo Pulcini vocantur. Corrige & scribe, ut in autographo, quæ Suzara vocatur, & quæ vulgo Pulicini vocantur. Erant enim Pulicini, nunc Italice Polesini, quorum adhuc apud Ferrarientes frequens mentio, congestus terrarum, sive Insulæ, quas Padus potissimum, aliique fluvii tunc, sine lege vagantes,

(*) Idest, prosperari: pro qua voce Scriba prosperari

scripsit.